

ԱՐՁԱՆԱԳՐՈՒԹՅՈՒՆ N 4

ՀՀ ԱՐՄԱՎԻՐԻ ՄԱՐԶՊԵՏ ԱՐԳԻՇՏԻ ՄԵԽԱԿՅԱՆԻ ՄՈՏ 2025 ԹՎԱԿԱՆԻ ՓԵՏՐՎԱՐԻ 3-
ԻՆ, ԺԱՄԸ 11:00-ԻՆ ԿԱՅԱՑԱԾ ԳՈՐԾԱԿԱՐԳԱՎԱՐԱԿԱՆ ԽՈՐՀՐԴԱԿՑՈՒԹՅԱՆ

Մասնակցությամբ՝

- Արմավիրի մարզպետի աշխատակազմի գլխավոր քարտուղար՝ Արամ Հովհաննիսյանի
- Արմավիրի մարզպետի խորհրդական՝ Բարսեղ Նիկողոսյանի
- Արմավիրի մարզպետի օգնական՝ Մանվել Մելիքյանի
- Արմավիրի մարզպետի օգնական՝ Նարեկ Խաչատրյանի
- Արմավիրի մարզպետի աշխատակազմի կառուցվածքային ստորաբաժանումների ղեկավարների
- Արմավիրի մարզպետի աշխատակազմի անձնակազմի կառավարման, փաստաթղթաշրջանառության և հասարակայնության հետ կապերի վարչության ավագ մասնագետ՝ Անուշ Պողոսյանի

Օ Ր Ա Կ Ա Ր Գ ՈՒ Մ՝

1. ՀՀ Արմավիրի մարզպետի մոտ 27.01.2025թ. կայացած գործակարգավարական խորհրդակցության ընթացքում մարզպետի կողմից տրված հանձնարարականների կատարման ընթացքի և մարզում առկա մի շարք հրատապ խնդիրների քննարկում

Քննարկվեցին՝

Հարց 1. ՀՀ պետական գույքի կառավարման կոմիտեին ՀՀ Արմավիրի մարզպետի աշխատակազմի ենթակայությամբ գործող հանրակրթական ուսումնական հաստատությունների կողմից անշարժ գույքի հանձնման գործընթացի վերաբերյալ տեղեկատվության ներկայացում

/Դավիթ Ավետիսյան–
ՀՀ Արմավիրի մարզպետի աշխատակազմի
քաղաքաշինության, հողաշինության և
ենթակառուցվածքների
կառավարման վարչության պետ /

Օրակարգային հարցի կապակցությամբ ՀՀ Արմավիրի մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության պետ Դավիթ Ավետիսյանը նշեց, որ կատարվել է կրկնակի ուսումնասիրություն ՀՀ պետական գույքի կառավարման կոմիտեին չհանձնված ՀՀ Արմավիրի մարզպետի աշխատակազմի

ենթակայությամբ գործող թվով 10 հանրակրթական ուսումնական հաստատություններում և արդյունքների մասին կազմված տեղեկատվությունը ներկայացրեց ներքոհիշյալ աղյուսակի տեսքով՝

	Անշարժ գույքի անվանումը	Անշարժ գույքի հասցեն	Պետական գույքի կառավարման կոմիտեին չհանձնելու պատճառները	Անշարժ գույքի հետ կապված խնդիրների լուծման վերաբերյալ տարվող աշխատանքները
1	«Արմավիրի Մոսես Սիլիկյանի անվան N6 հիմնական դպրոց» ՊՈԱԿ	ՀՀ Արմավիրի մարզ, ք.Արմավիր, Շահումյան 20	Դպրոցի տարածքում առկա է շինություն, որը ներկա պահին չի տնօրինվում դպրոցի կողմից	Միջոցներ են ձեռնարկվել դպրոցի կողմից գույքի տնօրինումն ապահովելու համար
2	«Արմավիրի N 8 հիմնական դպրոց» ՊՈԱԿ	ՀՀ Արմավիրի մարզ, ք.Արմավիր, Աբովյան 182	Դպրոցի անշարժ գույքի նկատմամբ իրավունքների պետական գրանցման վկայականնում առկա են հողամասի և շինությունների վերաբերյալ անհամապատասխանություններ	Փաստաթղթերը ներկայացնվել են Պետական գույքի կառավարման կոմիտե: Կատարվել է այց համապատասխան մասնագետի կողմից և պարզվել է ,որ առկա է անհամապատասխանություն սեփականության վկայականում կապված հաղամասի մակերեսի և շինությունների վերաբերյալ: Կատարվել է կրկնակի չափագրում:
3	«Հացիկի Ավետիս Բաղդասարյանի անվան միջնակարգ դպրոց» ՊՈԱԿ	ՀՀ Արմավիրի մարզ, Արմավիր համայնք, գ. Հացիկ 1-ին փ., 262.	Դպրոցի տարածքում առկա են շինություններ, որը ներկա պահին չի տնօրինվում դպրոցի կողմից	Կատարվել է այց Մարզպետի աշխատակազմի ոլորտային մասնագետի կողմից և պարզվել է ,որ առկա են տարբեր տարիներին կառուցված ինքնակամ շինություններ, դպրոցի տարածքի հողազավթումներ: Միջոցներ են ձեռնարկվում խնդրի լուծման վերաբերյալ:

4	«Հայկականի միջնաարգ դպրոց» ՊՈԱԿ	Արմավիրի մարզ, Մեծամոր համայնք, գյուղ Հայկական, 29 փողոց, 22 շենք	«Հայկականի միջնակարգ դպրոց» ՊՈԱԿ-ի հողամասի մի մասը զավթված է բնակիչների կողմից	Կառուցվում է նոր դպրոց: Դպրոցը Պետական գույքի կառավարման կոմիտեին կհանձնվի շինարարությունը ավարտելուց հետո:
5	«Լեռնամերձի հիմնական դպրոց» ՊՈԱԿ	ՀՀ Արմավիրի մարզ, Խոյ համայնք, գ. Լեռնամերձ Արագածի 26	Տարածքում առկա է ինքնակամ շինություն	«Լեռնամերձի հիմնական դպրոց» ՊՈԱԿ-ի տարածքում կառուցված ինքնակամ շինությունը հաշվառվել է ՀՀ կադաստրի կոմիտեում: Աշխատանքներ են սկսվել վերը նշված շինության օրինականացման համար:
6	«Վարդանաշենի Մ.Մինասյանի անվան միջնակարգ դպրոց» ՊՈԱԿ	ՀՀ Արմավիրի մարզ, Մեծամոր համայնք, գ. Վարդանաշեն 1-ին փողոց, 24 շենք	Կատարվել է նոր չափագրություն, որից հետո իրականացվելու է սեփականության իրավունքի գրանցման գործընթաց	Կառուցվում է նոր դպրոց: Դպրոցը Պետական գույքի կառավարման կոմիտեին կհանձնվի շինարարությունը ավարտելուց հետո:
7	«Արագածի Մ.Մեխակյանի անվան միջնակարգ դպրոց» ՊՈԱԿ	ՀՀ Արմավիրի մարզ, Խոյ համայնք, գյուղ Արագած բնակավայր 5փ., 12 շենք	Հարակից շինությունների սեփականատերերի կողմից որոշակի տարածքի զավթում	Այս պահի դրությամբ «Արագածի Մ.Մեխակյանի անվան միջնակարգ դպրոց» ՊՈԱԿ-ի փաստաթղթերը գտնվում են Պետական գույքի կառավարման կոմիտեում:
8	Արգինայի միջնակարգ դպրոց	ՀՀ Արմավիրի մարզ, Բաղրամյան համայնք, Գ. Արգինա, Աբովյան 40	Բացակայում է անշարժ գույքի նկատմամբ իրավունքների պետական գրանցման վկայականը:	Դպրոցը ստացել է անշարժ գույքի նկատմամբ իրավունքների պետական գրանցման վկայական 24.01.2025 թվականին: Սկսվել է գործընթաց դպրոցը Պետական գույքի կառավարման կոմիտեին հանձնելու համար:

9	Ալաշկերտի Հ. Քոչարի անվան միջնակարգ դպրոց	ՀՀ Արմավիրի մարզ, Մեծամոր համայնք, գ. Ալաշկերտ 2-րդ փ, 10-րդ շենք	«Ալաշկերտի միջնակարգ դպրոց» ՊՈԱԿ-ի հին կաթսայատունը տարիներ շարունակ օգտագործվում է այլ անձի կողմից:	«Ալաշկերտի միջնակարգ դպրոց» ՊՈԱԿ-ի հին կաթսայատունը տարիներ շարունակ օգտագործվում է այլ անձի կողմից: Սկսվել է գործընթաց կաթսայատունը Պետական գույքի կառավարման կոմիտեին հանձնելու համար:
10	Գեղակերտի միջնակարգ դպրոց	ՀՀ Արմավիրի մարզ, Խոյ համայնք, գ. Գեղակերտ, Մ.Մաշտոցի 22	Հարակից շինությունների սեփականատերերի կողմից որոշակի տարածքի զավթում, ինքնակամ շինությունների կառուցում	Կառուցվում է նոր դպրոց: Դպրոցը Պետական գույքի կառավարման կոմիտեին կհանձնվի շինարարությունը ավարտելուց հետո:

ՀՀ Արմավիրի մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության պետ Դավիթ Ավետիսյանը համապատասխան տեղեկատվությամբ հանգամանորեն ներկայացրեց վերոհիշյալ հանրակրթական ուսումնական հաստատությունների կողմից անշարժ գույքը ՀՀ պետական գույքի կառավարման կոմիտեին չհանձնելու պատճառները, ինչպես նաև անշարժ գույքի հետ կապված առկա խնդիրների լուծման ուղղությամբ տարվող աշխատանքները:

ՀՀ Արմավիրի մարզպետ Արգիշտի Մեխակյանը, դիտարկելով իր և մտքերի փոխանակման կարգով օրակարգային հարցի քննարկմանը մասնակցած կառուցվածքային մի շարք ստորաբաժանումների ղեկավարների կողմից ՀՀ պետական գույքի կառավարման կոմիտեին դեռևս չհանձնված գույքի հանձնման գործընթացում առկա խնդիրների լուծմանը միտված մոտեցումներն ու առաջարկությունները, **ՀՀ Արմավիրի մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության պետ Դավիթ Ավետիսյանին հանձնարարեց՝ վերոհիշյալ տեղեկատվությամբ նշված հանրակրթական ուսումնական հաստատությունների տնօրենների հետ համատեղ ձեռնարկել գործնական և արդյունավետ միջոցներ անշարժ գույքը ՀՀ պետական գույքի կառավարման կոմիտեին հանձնելու ուղղությամբ և արդյունքները ներկայացնել 2025**

թվականի փետրվարի 10-ին կայանալիք գործակարգավարական խորհրդակցության ընթացքում:

Այնուհետև անդրադարձ կատարվեց նաև տարաբնույթ մի շարք ընթացիկ հարցերի, որոնց վերաբերելի մասով խորհրդակցությանը մասնակցող համապատասխան աշխատակիցներին մարզպետի կողմից տրվեցին ցուցումներ և հանձնարարականներ:

Օրակարգային ու մի շարք ընթացիկ հարցերի քննարկմամբ և ամփոփմամբ Հայաստանի Հանրապետության Արմավիրի մարզպետ Արգիշտի Մեխակյանը խորհրդակցությունը հայտարարեց ավարտված:



ՀՀ ԱՐՄԱՎԻՐԻ ՄԱՐԶՊԵՏ՝

2025-02-05 14:08:47 GMT+4
Հավաստված է ԷԿԵՆԳ-ի կողմից



ԱՐԳԻՇՏԻ

ՄԵԽԱԿՅԱՆ

Արձանագրող՝ ՀՀ Արմավիրի մարզպետի
աշխատակազմի անձնակազմի կառավարման,
փաստաթղթաշրջանառության և հասարակայնության
հետ կապերի վարչության պետ՝ Դավիթ Դավթյան